

40250.121
41
新三 4~16

南豐縣志

第	一	冊
卷首	序文 銜名	凡例 總目
	輿圖	

南豐縣志

Pe 23
238.20
612.1-16

南豐縣志



中國農民銀行總管理處
經濟研究所藏

南豐縣志

中華民國十三年
摺華印刷公司印

新修南豐縣志序

吾邑志書修自同治辛未後典冊闕如事蹟湮沒可慨也民國已未秋余以國會議員寓京師同鄉趙君慕祁素以積學著相見都門與之商榷修志之舉託之以纂輯其貲則余兄弟輩肩之越十四月而藁成鈔梓有日矣遂揭其巔末而叙之曰志通乎史也史固褒貶並書者志第褒焉已耳而不褒者則削之以寓貶矣夫削之正所以進之何立法之敦厚乃爾蓋激勸之所以動其天於微也洎自輓近國變世風寢不古若學術日歧士

南豐縣志

卷之首 序

苴乎詩書於志曷有哉雖然蟬翼之未必果重於千鈞也黃鐘之未必見毀於瓦釜也矧吾豐號稱文物邦於山有軍峯何竺之秀峙於水有軍港盱水之環流於人有曾鞏謝文游李經綸等之魁儒碩彥大而經制憲章小而遺聞逸事莫不於志焉掇拾而薈萃之典至鉅也吾之去豐而喬居豫章也有年矣迴憶釣遊之地丘隴澤畔野趣偏多今雲山遠隔而故鄉風物往來於予懷間嘗瀏覽志書見吾邑山川鍾毓之奇人材蔚起數百年於今往往三復流連而想像天人之盛於不置也惜卷類浩

穰良難卒讀必務此勿改則愈增繁重其孰不厭倦之今者體
例更新矣提綱綴目朗若列眉舉舊志之重複者脫漏者紕繆
而沿誤者皆以芟以補以釐正而折衷一是加以抉擿幽隱尤
銳意覈實務使足爲世事之準繩乃能聳人觀聽而振作其志
氣斯則篝燈手校者之寄矚深遠而亦吾人舉修廢墜者所藉
以彰往考來而實濟世用也邦人士之研窮掌故者手其帙心
其義鑒於褒德錄賢之意胥鼓舞奮興而各俛焉力拔流俗爭
思媿美前哲而無媿其蒞政而宰豐者亦得借鏡風土政教之

南豐縣志

卷之首 序

二

大端而求其是非得失之故與夫古今名宦之政績卓然載諸
簡冊者隨事可爲之啓橐將有以迪其勤政恤民之心勉爲循
良之歸以漸垂世而行遠是人之嚮善而嫉惡也與我同可知
秉彝好德之根諸天性也已昔朱考亭以修志爲振興治行之
本包安吳以纂志在慎擇文教爲先洵能洞燭生民物則之原
者歟於以知歧其學於人而不能歧其性於天也由是而惇之
則天顯彰焉而人文賴以不墜矣其斯爲剝之碩果復之地雷
然乎哉詎以世運之凌夷而否耶孰是理也以推則凡邑乘之

修大率誘迪獎進本羽翼世道人心之旨以維風紀而崇實錄
俾爲異日國史之捃摭得以標舉事實而鎔鑄天下後世之性
情不僅在區區筆削文字間也是志之通乎史也有繇然矣其
關係舉世激勸之道蓋如此俯仰人天竊爲今後吾邑之文獻
思其繼也琴石屹爾金潭湛然吾知沐其流風餘韻而興起者
當大有人在

中華民國九年歲次庚申邑人包發鸞撰

南豐縣志序

己未夏五客京師包君竺峯任衆議院議員相過從言於余曰
吾邑志書修自同治辛未越五十年板故存書院改學堂散失
盡自此以往舊學凋零老成代謝千餘年文獻任其廢墜可乎
及今爲之僅籌費難子任其勞者費吾任之余曰子乃所謂以
千金享敝帚也聖經賢傳炳若日星視同弁髦委之土塵何有
於志惟人之靈主之者身主之不修遑問其實貽茲糟粕批彼
逆鱗語日於盲鐘聲籥形何有於修志文字革命史頡不聖文

南豐縣志

卷之首 序

言之耶孰其應者質言之耶孰其信者且志與史通在國爲史
在郡邑爲志史天子事也有褒有貶志不敢貶而褒善愧不善
卽貶若網在綱如車有輔皮之不存毛將安傅且國體變矣學
術新焉新學術生新人才生新政治新政治生新制作
昔日之建置賦役選舉人物藝文皆陳迹也置鬻骸於肆望望
然去之且不能得其覆瓿而欲其珍同拱璧乎竺峯曰嘻子言
之激也夫天不因人惡寒暑而缺其冬夏地不因人惡跋涉而
夷其山河君子不因人惡道德而緘其口舌新者自新故者自

故守其迂疏憑之氣數子言之激也余惟竺三峯意良厚徵諸鄉先生曰厚意不可負歸而徵諸省之鄉先生焉邑之鄉先生焉皆曰厚意不可負迺於是年舊曆十一月開局舉修迺延採訪都邑之望迺延調查務實無華迺延纂輯經典博習惟繁斯刪惟遺斯拾迺訂體例立名編次八志五傳日以綱繫人皆舊人學皆舊學新文新獻無敢揚摧目睹必書耳食不記辛亥而後命曰紀事秋蟬之鳴寒螿之聲越十有四月而全志告成分卷同修者同邑舉人劉裕謙趙世忠黃鴻烈拔貢劉孚恭包鈞臺

南豐縣志

卷之首 序

二

中華民國九年庚申舊曆十有二月邑人趙惟仁撰

原序一

南豐盱水之上游初隸撫宋割撫之南城縣置建昌軍遂隸建昌壯哉縣也稱爲江右最人物有曾子固文章名天下而南豐益以重國朝以建昌爲總管府南豐仍爲屬縣未幾陞爲州專達於行省而南豐又益以重李侯夔由司憲事來爲州暇日得縣志於煨燼之餘命余友人劉君堦於已紀者訂之未紀者增之成州志十五卷夫州縣有志舊矣然今之居官者下焉爲辦私計上焉爲奉公計其最賢者乃能爲民計而何暇及此久遠

南豐縣志

卷之首 原序

不泯之事哉侯不視此爲迂緩不切而成此書縣之爲州自我朝始州之有志自今侯始書成示余余嘉之故爲書於其後如此而歸其書侯之賢今將與此州此書相爲不泯也大德四年歲在庚子秋七月正議大夫江南湖北道肅政廉訪使程文海原序二

漢儒論九邱之書曰土地所生風氣所宜皆聚此書蓋圖志之作實昉乎此後世因之名州鉅邑靡不有志藝宦游所至往往獲觀顧於南豐未之覩竊嘗歎曰圖志古也豐文獻邦其獨無

是乎公退旁搜得舊邑志閱視則世代懸隔與今事不類因屬
泮宮諸君子加修纂焉訂其謬補其闕刪削其不必存自建置
至遺事凡三十類釐爲十有五卷捐俸募匠刻諸梓同僚協志
樂助司屬府史偕州里諸賢咸致力書是以成披卷縱觀一州
事蹟萃是矣其播之四方不待挹軍峯之蒼翠臨盱流之清漪
而山川景物城郭人民歷歷在目其進之太史上之職方則備
紀載補闕遺安知不有取耶標其目曰南豐州志書其共事者
之氏名曰會總修纂者前學官劉煥也分卷同修者前學官彭

南豐縣志

卷之首 原序

一一

埜職員羅安道上官鯉也攷正文字課督工程者今學官劉東
叔直學朱顯祖也捐俸助刊者同知阿老瓦丁州判常泰吏目
王沂而主盟者則達魯花赤伯顏察兒也大德庚子日南至奉
直大夫南豐州知州兼勸農事李夔

原序三

見竹王子序曰古先聖王立教有經致治有史不可廢也故書
者經之史也春秋者史之經也詩則自王朝至列國以及委巷
之吟咏咨嗟美刺得失所以詳謨訓之所未備而成褒貶筆削

之功是詩亦史也夫書也詩也春秋也三經相爲表裏而經也
史也其揆一也聖人沒經不復作而史與志分焉然亦六經羽
翼也明興實錄外天下郡邑咸有志乘南豐志亦舊矣先是燬
於兵有司往往欲修輯弗逮省藩大參鄭公蒼濂爲令時嘗設
局集士未半以遷秩諫垣行豈志之興廢亦有數耶歲萬歷乙
酉冬十有二月川南確齋程侯來視邑篆甫至首革胥役之健
猾而蠶食者將百人約以自奉勤以爲民越明年內成治具恢
恢乎張矣慨縣志久漸湮沒無以稽治行順民風而出化理也

南豐縣志

卷之首 原序

三

一日偕邑博司職鄧君成藩司訓周君釗李君東明投刺加幣
訪王子於培德堂告王子曰有縣必有志令典也國家張官設
吏置幕屬以典邑史名其官邑固有史也志其可少乎且南豐
居江右上游地軍山盱水炳靈毓秀發爲人文後先輝映相望
於江號稱名邑匪志弗稱子邑鄉大夫也請修之辭弗果已乃
遴邑博弟子員者四人陳生善鄧生一中陳生五雲趙生旻臣
俾共底厥績王子謂四生曰璽病夫也得奉告養疴供子職幸
也戶牖外不履者八稔安能周知一邑事哉程侯之意殷矣諸

君其勉之顧志卽外史也余初讀中秘書入瑣闥嘗愛史氏司
焉子長文雄渾閱博至讀自序遊齊梁燕趙雍豫思憶其見之
廣固文之奇耶及余銜命走四方東歷薊遼使朝鮮暨扶餘望
東海扶桑日出處北扈蹕謁陵寢出昌平問皇華鎮南出守姑
孰姑孰爲南都畿輔實我太祖龍飛首都也都河洛而思禹蹟
誦漆沮以固周鼎復捧璽命校士南粵行部潮惠放於高廉探
交趾伏波銅柱標觀瓊海移檄撫苗於辰踰武溪過龍標入夜
郎馭將輯戍窮三苗窟穴泰恆衡嶽河漢江淮洞庭彭蠡鉅野

南豐縣志

卷之首 原序

四

咸在幃帷檣楫間可謂廣且遠矣反而求之日兢兢惟濼且曠
是懼奚得焉逮具位總憲乃得以病謝事歸始一意身心性情
非聖賢格言一切刊落內觀其心以真心盡心外觀其物以真
物盡物盡心不失已盡物不失人然後恍然若有所見今諸君
志是志也雖搜經羅史以盡其識廣詢博訪以盡其事屬詞比
事以盡其文協諸輿論以盡其變然統之吾心之中有真見也
張子謂吾道自足何事旁求非與咸曰然於是取舊繕本元南
豐州志國朝冢宰何公文淵縣志爲標的豫章省志盱江郡志

與諸郡邑之志之可觀者爲質成而會極於一統志焉遵制典也旁及傳刻子史案牘口碑甚至里民鄧倬譚浚所自哀輯騷人墨客所自詠歌罔不採掇去取始言人人殊繼之制立論定一邑事了了若在目前遂分卷爲七列目爲若干局秉槩次第書之凡事之有補風化者雖小不遺無益世教者雖大不錄與凡無徵不書矯誣不書異言不經不書陵谷邱隴斷鑄俗記者不概書恐開釁而起爭也人文節孝存而未沒沒而未久者不悉傳特書恐人言奪實好惡失真將以俟彌久而論彌公也

南豐縣志

卷之首 原序

五

其竭慮殫精既勞且慎大率類此王子時一往與之參攷互訂斟酌損益務求備觀省昭鑒戒協諸義而協焉而後已既成類而讀之因歎曰嗟夫邑之志識一邑事也而道與治關焉夫事者道之散殊也以觀天地通古今盡事變會人物皆事也則皆道也皆道則皆治矣君子者誠用志以求民用民以求治志所云利民之利也思所利之志所云害民之害也思所去之不惟星野山川祀典政教學校人才賦役兵旅城郭都邑民物風俗之類之大雖一草一豸咸注厝焉所謂稽治行順民風而出化

理者其在茲也經絕筆而求之史與志誰非先生致治之遺意哉且方今聖天子加意元元勵精圖治一夫不獲時予之辜况一邑之大民物之衆其有不加之意而思以懷保之耶惟臣欽若斯惟民從乂蓋自有必然者中庸曰今天下車同軌書同文行同倫言大同者其化也論語曰文獻不足足則吾能徵之言明徵者其定保之謨也絲是而觀今日是志也其諸異日文獻之一徵哉推而致之定保之謨大同之化將不外是矣何也天下者一邑之積也造車於室行之四達不整其制備也今其志

南豐縣志

卷之首 原序

六

備矣乎合天下者並觀之有春秋大一統之義也雖然後之作春秋者或失則亂或失則僭或失則散今之志其果亂耶僭耶散耶抑果本之心耶道耶治耶有司牧之責與端身範俗之君子其尙有攷於斯是爲序萬歷十四年丙戌季冬望日賜進士嘉議大夫廣東按察使邑里東見竹王璽

原序四

周禮外史掌四方之志列國莫不有史此春秋國語引說於周志鄭書戰國記遊士之策越絕託子貢之名乘與檣杙而後變

名滋多曰紀曰略曰典曰考曰編曰輯曰鑑曰錄或以風物土俗事迹叢談新語質疑傳信博聞備覽爲名凡百異題無論在位在野其著其微自成一言各識其志也魯春秋一國史也孔子修之爲天下經自謂見諸行事深切而著明是也同是書而爲傳者左氏楚人也所見博矣其書皆楚人之詞公羊齊人也所聞多矣其書皆齊人之語如其語非其位猶與日月並傳也南豐邑事輯於元代凡幾續於國朝凡幾歷無刊本煩略互異荒而無體駁而無次瑣識浮於大程異端冗於正道廢蹟淆於

南豐縣志

卷之首 原序

七

顯額利弗謂可舉敝弗謂可祛世教莫明政體曷補逮隆慶壬申邑侯鄭公蒼濂謂志有勸懲帖下諸生修纂因循未就余友李氏良翰曰禮曠而求之野子其爲乎迺出舊錄州志邑志各帙屬濬余曰州志元初劉水村修之元末續之邑志永樂間修之未詳其人景泰間郡侯江公采之東園何公序之宏治甲寅邑侯雷公復修請序於椒邱何公正德間符襄老續而序之何爲不傳徒寘荒篋恐茲後亦然何益之有圭齋邵公曰邑事日非弗志何鑒苟志得體奚謂無益吾將鈔諸木傳諸人嗜夫浚

病忘之衰白日甚跬步莫移豈能通於邑事乎然感善忘非義竊野史訪諸耆舊參以典故增其遺闕刪其浮冗別其序次人生日用詳焉能無煩乎涉於虛誕略焉能無疎乎惟義所適邑之肇置封域分星麗於上下厥有徵驗坊鄉山川開道通津達於中外諸成勝蹟錄建畫一正方辨位治人事神崇文奮武務義興利備荒優卹循土成俗阜財聚民錄治政二庶土交正上簡下供夏慎壤賦周重版圖稅役丕平國程是著用緩在意民困式蘇錄戶賦三禮讓爲國民俗還淳慶祀典儀啓之立敬鄉

南豐縣志

卷之首 原序

八

家禮制啓之興讓旌善讀法啓之從義錄禮教四建官分職體統相承上下有秩政教攸興匪直厥位實貴於立錄秩官五選舉貢辟任材位德出宦處鄉名立功成遞世之士守貞之女淑慎終身式昭厥令錄人物六緣今懷昔卽往昭來或災異譴告或訛誕惑世迷者弗察逸者罔省錄故事七道之不明異端害之凡諸郡邑具志仙釋誕夫幼兒附益眩俗世無孟韓誰闢其非錄方外八文獻不足至聖無徵往哲有章斯邑惟重然人雖豐產職雖豐位而言非豐事則不悉錄時代爲次優劣匪論錄

藝文九總十一卷特按舊而損益之曷敢有意於其間哉伏惟
高明不罪其狂姑采其風終於有俟在諸名碩矣於浚何有哉
於是就正於邵公乃曰是吾意也裁之甫定不幸溘然逝矣惜
哉厥子國翹國翰念厥考初意申訂而梓之百世之曠一日斯
舉一反之始四方其風知志之所識通於天下也一邑云乎哉
萬歷丙戌仲冬邑人譚浚

原序五

國有史郡邑有志其紀載雖殊所係之重一也凡作史與志者

南豐縣志

卷之首 原序

九

其叙述必有法其是非必以公夫然後可以久傳而不泯况史
之所紀必參諸志之所錄則志之所係不尤重乎唐宋以來郡
邑之圖志多矣然或叙述無法或是非不公往往泯沒不傳間
有傳者久亦厭觀有繇然也宏治七年秋江右藩臬移文所屬
郡縣各纂修志書上之會省將刪爲通志於時郡縣或以冗迫
不暇及而付之稍知章句者紀載多有可議坡陀小邱獲錄而
高大可以奠疆域者遺焉鄉黨所不齒者曲爲粉飾而勳烈文
章偉然一世之英者不紀甚者索貨幣需酒食乃立爲傳鄙哉

斯人跡昔之陳壽魏收尤下矣惟南豐令巴陵雷侯孟正知其
所係之重乃集邑之師儒耆宿語之曰南豐名邑也有曾文定
公之文章曾文昭公之剛大朱光祿之厚德曾悟黃樞之忠義
其他名賢碩士未易縷數紀載其可不謹乎願相與成之乃本
舊志攷諸家文集參以里巷紀聞公暇延訪多士親加筆削賦
貢物產丁口頃畝務紀其實吏治得失人才賢否不爲虛美開
卷一閱而一邑數千年之故瞭然在目矣侯既繕寫上之藩臬
而留其副於縣屬余叙之余謂侯真知所重矣他邑苟具文書

南豐縣志

卷之首 原序

十

者能不泚其頰乎侯名頤發身科目其來爲邑凡前政之妨民
者痛爬梳之興學養士崇禮勵俗修文廟節靡字均徭賦一權
量歲旱禱雨輒應其可紀者甚多今之良有司也平西何喬新
原序六

藩輔郡邑有志權與史埒所以彰往示來稽國故述民風興壞
盛衰之蹟於是乎在亦當世得失之林也卽越境不書視史規
模稍讓乃取裁立例要以奉天無私無異軌焉代之作者素臣
樹幟於姬季班馬接轡於西京材情所極並標神理談天步則